

1

Egesippi / des Fürtrefflichen vnnnd Hochberühmten Kirchenscribenten / von Zersto- rung der Statt Jerusalem.

Vorred /



S hab die vier Bücher von den Kö-
nigen / so der Heyligen Schrift einuerleibt seind / selbs
auch kürzlich durchlauffen / vnd bisz auff die Jüdische
Gefängniß / der Statt Jerusalem zerstorung / vnd der
Babylonier Sig / Historischer weiß beschriben. So
hat auch der fürtreffliche Geschichtschreiber Josephus
der Nachabeer vberige Händel / dauon die Propheten
wenig melden / in eyn Histori zusammen verfasst / vnd

*Drüben Egesippi
vñ Josephi Schrifft
ten.*

were zu wünschen / daß er sich der Religion vnd Warheit so hoch beflissen hette /
als er sich bemühet den Sachen engenlich nachzuforschen vnnnd zierlich zu reden.
Dann er sich inn seinen engenen Schrifften / die er von der Juden niderlag vnnnd
straff gestellet / des Jüdischen Meynends verdächtigt vnd theylhafftigt machet / vñ
ob er sich wol ihres Kriegs entschlagen / ist er doch von ihrer Abgötterey vnd Got-
teslästerung keynes wegs abgestanden. Er hat zwar ihr elend kläglich beweynet /
doch die vrsach solches jammers nicht erkannt. Daher wir vns denn beflissen /
nit aus engener vermessenheyt / sonder auß sonderlicher anmuttung zu der Reli-
gion / die Jüdische Geschicht von dem an / da die Heylige Schrift auffhöret / et-
was fleißiger zuertwegen / vnd gleichsam die Rosen vnter den Dornen zusuchen /
damit wir auß der Gottlosen Tyrannej vnd mißhandlung / die so ernstlich nach
ihrem verdienst gestrafft worden ist / lernen / wie hoch das heyliche Gesetz zuhal-
ten / vnd wie wunderbarlich der Gottesdienst vnd das Regiment bestellet gewe-
sen / auff daß wir als die Nachkommen vnd Erben / vns beydes in glück vnnnd vn-
glück / ehr oder schmach desto besser darnach wissen zuhalten / vnd darneben auß
ihrer bosshent vnd meuterej offenbar werde / daß sie an ihrem engenen verderben
schuldigt gewesen seien / die weil sie ihrer engenen Sachen wenig wargenommen /
die Römer wider sich erbittert / vnd ihnen alle gelegenheyt ihres Königreichs / die
sie billicher hetten heymlich halten sollen / entdeckt haben. Desgleichen haben
sie freundschaftt bei ihnen gesucht / vnd ihnen doch nicht begert glauben zuhalten /
den Friden gebrochen / vnd seind ihnen doch zu schwach gewesen / haben sie letztlich
auch mit Krieg angegriffen / vnd sich nicht auff ihre stärke / sonder auff die Rinck-
mawren verlassen / so doch keyn beschwerlicher ding ist / denn die Belägerung lei-
den. Dann wann sie gleich am besten gerathet / so pflaget sie doch vil mehr die ge-
fahr zu mehren / als zu mindern.

*Die Juden ihres en-
genen verderbens
vrsacher.*

Damit aber nicht jemann meyne / als hette ich mich eyner liederlichen vnd
vnnötigen arbeyt vnterstanden / so wollen wir der Hebreer vrsprung vnnnd Ge-
A

Vorrede.

schlächte/von ihren Fürsten her erhohlen / damit offenbar werde/ ob die nachkom-
men Jude/so von seinen Lenden geboren/ niemals abgenommen / oder sich bei den
nachuolgenden Fürsten gestossen / sonder statts gewäret habe / biß auff den / wel-
cher der Heyden hoffnung war / Auffs welchen auch alle Sachen gericht
tet gewesen. Daher wil ich nuh den anfang
nehmen.

Legen

[Faint, mostly illegible text, likely bleed-through from the reverse side of the page.]

[Small handwritten note or signature in the left margin.]

[Small handwritten note or signature in the left margin.]

[Text from the adjacent page on the right, partially visible.]